



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Sect. 3. Admiranda Principatus.

urn:nbn:de:hbz:466:1-13120

aliquando oblimantur, aliquando laxantur. In eodem pisces na-
scuntur cum 8. pianis, cùm alibi tantum quatuor habeant, quarum
meminit Plinius, & eas auctor confirmat *Leander Albertus in La-*
tio.

Fluuius malè à quibusdam Iouencus vocatus, olim Phitor-
nius, per medium Fucinum ita decurrat, ut eius aquæ non miscean-
tur stagno, quod olim Plinius, & Vibius Sequester obseruarunt.
Leander in Latio.

Non procul ab oppido Cantalupo scatebra laticis, quem oleum
petrinum vocant, hunc indigenæ colligunt diligentissimè ob vir-
tutem medicam. *Leander in Peligni.*

Ad fontem Aterni fluminis *Pescara*, non procul à Monte Regali
Pirus colli innata ita fastigiata, ut pluua in hanc cadens triplici di-
uisione labatur in tria ingentia flumina, tres diuersas regiones pe-
tentia; sunt porrò hi fluuij Velinus, Truentus, & Aternus, *Veli-*
nus, Tronto, Pescara. Leander in Vestiniis.

SECTIO 3. Admiranda Principatus.

AD Montem Virginis cœnobium est in quo omnino carnibus,
atque lactariis vesci nefas est: & cùm eò inferuntur illiusmodi
edulia mox vermis aiunt scatere, haud sanè præter miraculum.
Leander in Samnitibus.

Ad urbem Oliuetum riuius *Piceglia* dictus, intra anni spatium
in lapidem vertit, quidquid lignorum in eum ceciderit. *Scipio Ma-*
zella de Regno Neapolitano.

In ventre collis cui infidet urbs prædicta, sæpiissimè audiuntur in-
gentia murmura, & aliquando aliiquid aquæ sulphureæ crumpit.
Idem Scipio & Leander.

Non longè à Frigento, hodie *Fricento*, visitur locus nemoribus
præcinctus, vbi spiracula tam tetur odorem efflant, ut animalia
admota enescant. Locus ab indigenis etiamnum vocatur *Ampsancti*,
ut vult *Floridus*, vt *Parrhasius Mephitis*. *Floridus 2. successarum*
cap. 18. & Parrhasius, ex quibus Lacerda.

Quæcumque folia, vel virgulta cadunt in Silarum fluuium la-
pidescunt, seruatæ priori formâ, & pristino colore. *Leander, & om-*
nies reliqui Geographi.

Amalphis ciuitas seruat ossa S. Andreæ, ex quibus perpetuus

QQQ q qq iij

liquor exsudat (Manna vocant indigenæ) idque Sacerdos facis penetralibus custos præpositus assiduè peregrinis distribuit. Leander, & omnes Amalphitani.

Salerni in Monasterio Patrum Dominicanorum campana pendet, quæ dum sponte sonat, mortem alicuius fratri ex hoc esse nobio certissimam præcinit. *Angelus de Rocca.*

SECTIO 4. Admiranda Apulia.

BARI in Apuliâ seruatur corpus S. Nicolai Myrensis Episcopi, ex quo liquor mirabilis. (Manna vulgo vocant) assiduè profluit. Quod miraculum se suis oculis ait vidisse Leander Albertus in Apuliâ Peucetia.

In Monte S. Angeli, seu Gargani lucus, seu sylua, extra quam ne frutex quidem promicat, & videtur mirum tot, & tam ingentes arbores, hîc in viuum saxum radices egisse. Leander in Apuliâ Daniâ.

Narrant indigenæ anno Christi 1494. vnum ex militibus Cato. li V I I I. Gallorum Regis, aliquam ex illis arboribus cecidisse, eumque diuinitus illato suppicio statim exanimem cecidisse. Leander eodem loco.

SECTIO 5. Admiranda Calabria.

HODIE si fila sericea Crathidis aquâ abluantur, candidiora sunt, si autem Buxento fluvio intingantur fuscum colorem accipiunt. Leander in Magnâ Græciâ.

Cis fluum Alecem etiam in præsentia vocaliores sunt Cicadæ, quam trans eiusdem fluij ripam. Cuius rei causa videtur esse, quod cis illum fluum maiori Solis ardore torreantur Cicadæ; at id fert natura Cicadarum, ut ibi acriùs strideant, ubi vehementius aestuant. Idem Leander in Magnâ Græciâ.

SECTIO 6. Admiranda minorum Insularum ad Regnum Neapolitanum.

IN Insulis di Tremiti, volucres picarum instar dentibus armataz, voce propè humanâ, oculis ardentibus, ventre candido, alis fer-